

# Seeraah / সীরাহ অডিও (Audio)

📅 April 10, 2020

🕒 1 MIN READ

## SEERAAH

BANGLA  
&  
ENGLISH

ঝমঝম বৃষ্টি পড়ছে। পাতায় পাতায় ছোটোপুটির  
শব্দ। কংক্রিটের ছাদে আবার সেই শব্দ অনেকটাই  
গম্ভীর। থেমে থেমে মেঘের নিনাদ। হঠাৎ চৈঁচিয়ে  
ওঠা কালাশনিকভের গুলিতে নিখর মৃতদেহ। মৃত্যুর

আগে শুধু অস্ফুট আৰ্তনাদ। আচমকা বারুদের এই  
গর্জনে ভয় পেয়ে কেঁদে ওঠে নিচের তলার শিশু।  
অস্ত্রের ধমককে বজ্রের হুঙ্কার ভেবে বাচ্চাকে অভয়  
দেন মা। ঘুমপাড়ানি গানের নেশালাগা গুনগুনে  
ধীরে ধীরে স্তিমিত হয় ছোট্ট হৃৎপিণ্ডের ধুকপুকানি।  
ওদিকে ঝমঝমিয়ে নেমে আসা বৃষ্টি আর নিঃশব্দে  
শরীরে বয়ে চলা উষ্ণ রক্ত লাশ থেকে বেরিয়ে  
আচমকাই এক হয়ে কলকল করে বয়ে যায় ঢাল  
বেয়ে। — কত কাছাকাছি সব শব্দ, অথচ কত ভিন্ন  
তাদের অনুভূতি। কত দৃশ্যই না কল্পনায় তৈরি করে  
একেকটা শব্দ।

শব্দ, দৃশ্য, ঘ্রাণ, স্পর্শ – এটুকু দিয়েই তো মানুষ  
দুনিয়াটাকে নিজের ভেতর ধারণ করে। এসব  
ইন্দ্রিয়লব্ধ অভিজ্ঞতা দিয়েই মানুষ গড়ে, মানুষ  
ভাঙে... বদলায়। আচ্ছা, এর মধ্যে কোনটা  
মানুষকে বেশি প্রভাবিত করে? মনে হয় শব্দ। শব্দেই  
দুমড়ে মুচড়ে যায় অন্তর। শব্দেই হৃদয় স্পন্দিত হয়  
শান্তির তরঙ্গে। শব্দেই মানুষ ঝাঁপিয়ে পড়ে যুদ্ধ  
করতে কিংবা শান্তি আনতে।

ইতিহাসও কিন্তু তাই বলে। শব্দেদ্রিয় পথেই একটা জাতির খোলনলচে পালটে দিয়েছিল কুরআন। ওয়াহির শব্দ সিজদায় ফেলে মুশরিকদের, পাথরসম অন্তর ভেঙে ফোয়ারা ছোটায় উমারের অন্তরে। যুগ থেকে যুগ যুগান্তরে, আজও মানুষ কান্নায় ভেঙে পড়ে সেই শব্দে। এই শব্দে উঠে দাঁড়ায়, প্রাণ দেয় , প্রাণ নেয়। কই শব্দ তো আমরাও শুনি। নেতার মিথ্যাচার, উদ্ধতের আশ্ফালন, আহতের চিৎকার, নিহতের নীরবতা। কিন্তু সেই শব্দ কোথায় যা জীবন্মৃতকে জাগাবে, অহংকারীকে কাঁপাবে, ভীরুকে দিবে বলিষ্ঠ কণ্ঠস্বর আর মজলুমকে করবে শক্তিধর? সেই শব্দ খুঁজে পেতে তাই ফিরে যেতে হবে সেই মানুষের জীবনে, যার মুখনিঃসৃত শব্দ একদিন এনে দিয়েছিল এই সবই। আর এমন জীবনী উজ্জীবিত করতে শব্দের চেয়ে উত্তম মাধ্যম আর কি-ইবা হতে পারে?

তাই শব্দ দিয়েই বদলে দিতে রাসূলুল্লাহ সাল্লাল্লাহু আলাইহি ওয়াসাল্লামের জীবন নিয়ে রেইনড্রপসের নতুন অডিও সিরিজ — সীরাহ অডিও।

এই শব্দে বদলে গিয়ে আরও বলিষ্ঠ শব্দে একে  
ছড়িয়ে দিতে আপনি প্রস্তুত তো ?

\* \* \*

Download Bangla Version: [Google Drive Link](#)

\* \* \*

Download English Version: [Google Drive Link](#)

 April 10, 2020

<https://bibijaan.com/id/5885>